



Fatg han deputadas e deputads plirs exercizis.

FOTO Y. BÜRKL

Noss parlamentararis paran dad esser fits

Acziun «parlament en moviment»

DA GION NUTEGN STGIER / ANR

■ **Gia da bun'ura èn ier 40 deputadas e deputads sa participads ad ina acziun da gimnastica cun scolaras e scolars dad Arosa. Plaschi a noss parlamentararis ha cunzunt la spontanadad dals uffants e lur er l'idea d'organisar quella occurrenza speziala.** L'intent da la sessiun «extra muros» dal cussegl grond è er da vegnir pli manavel a la populaziun dal lieu ospitant. Ina sessiun champestra è lura er ina buna plattafurma per quel scopo. Fatg exact quai han er ils 40 deputads e las deputadas ch'èn ier la damaun allas 06.30 s'inscuntrads cun intgins scolars e scolaras dad Arosa. Cumparids èn ils umens e las dunnas betg vestgids elegants sco per la sessiun, ma bain en vestgì da gimnastica. Bunamain 60 minutas han tuts fatg ils exercizis da gimnastica tenor las directivas dals uffants. Quels sajan stads fitg averts, empernaivels, da buna luna e fitg spontans,

han intgins dals participants ditg. Tut en tut saja quella acziun stada fitg singulara e plaschaivla, er cun avair da vegnir da bun'ura or da las plimas.

Blers fan adina sport

In deputà ch'è er stà da la partida è l'antier president dal cussegl grond *Ueli Bleiker*. El ha cunzunt ludà ils uffants e lur sinceradad. «Jau fatsch regularmain sport e mes sport preferì è il ciclissem», ha ditg il deputà da la Partida burgais-democratica. *Peter Engler*, il deputà liberal da Tavau, quel è in sportist activ. El va bler cun velo, cun il bike, a viandar, cun skis e fa gugent cursa lunga. Er el è stà cumplettaimain inchantà da l'acziun cun la scola dad Arosa. Darar sport fà lura *Benno Bossi*, il suppleant deputà dal circol dad Alvaschein. El saja sa participà a la gimnastica pervia dal respect envers ils scolars e las scolaras. Nus avain dad esser il bun exempel per ils giuvens, ha maneigià l'impressari da transports da Casti.